

Publication/Creation

June 1949

Persistent URL

<https://wellcomecollection.org/works/p3xat4pn>

License and attribution

Wellcome Library; GB.

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

cynicon spasmon hoc ijdem appellant genus morbi, præcipue uero ad pectoris laterisque dolores prodest, ex qualibet causa factos, siue latentis, siue manifesta, aut ex casu aliquo, aut supra uires & supra modum ponderis portati, uel ex contusione quæ frequenter gladiatoribus accidere in præluisionibus solet. Nec minus eorum maxime sanitati conuenit qui arbore alta delapsi sunt, uel scalis deuoluti, aut excussi rheda uel curriculo tracti. Sed his, id est ex manifesta causa uexatis, cum aceti cyathis tribus uel quatuor danda erit antidotus. his uero qui ex occulta causa laborant, ex aqua mulsa proderit data.

Præterea neruorum tensionibus, & contractionibus, atque doloribus omnibus mirifice conuenit. Quamobrem facit & ad tremulos, & ad sideratione tentatos utralibet, una enim cum contractione, altera cum remissione neruorum conspicitur.

Paralyfim hoc utrunque uitium Græci appellant. ad quod etiam cum correpti sunt, prodest ex aquæ mulsæ cyathis tribus quatuorue datum ad pondus denarij unius aut uictoriati, admixto castorei denarij semisse. prodest & ad articulare morbum quem arthritim Græci appellant, & ad spinæ totius lumborumque dolorem ex aqua mulsa datum iuxta uires cuiusque.

Item ad podagram benefacit: nam & in præsentia detractio-
ne doloris releuat, & in futurum omni molestia liberat. dimidio enim ce-
lerius sanantur qui acceperunt hoc medicamentum quam prius solebant
sanari. quid dicam quemadmodum profit ad duritias mammarum mu-
liebrium, quæ cum dolore magno solent nasci, quasque nullum aliud
medicamentum releuat, nam has & ad præsens admodum curat, & in-
perpetuum ex toto interdum sanat, quas quidem causas plerique medi-
corum insanabiles adfirmant. carcinomata enim & cacoethes hæc uitia
sequuntur. sed ego honestas fœminas quasdam sæpissime hoc medi-
camento adfirmo sanatas. illud uero supra omnium opinionem est,
quod stomachicis euidenter conuenit, cum sit uirosissimum amarissimum-
que medicamentum, & stomachus ne aduersum leuia quidem & simpli-
cia medicamenta aptus sit. Sed disposuimus in huiusmodi rebus poten-
torem usus rationem sequi. expertus enim quisque intelliget stomacho
quoque hoc medicamentum eximie prodesse. Remediat enim eos qui-
bus frequenter inacescit cibus, & eos qui stomachi inflationibus urgen-
tur, uel doloribus uexantur adsidue, & uel nauseant, uel nimia saliuâ ab-
undant, uel inedia consumuntur, stomachumque ita solutum habent,
ut ex eo uarios liquores subinde reiiciant, consentiente capite, ut nullum ge-
nus cibi continere possint.

Item ad bilem atram generantes, quos melancholicos uocant bene-
facit. oportet autem non continentibus cibos secundum uomitum pro-
tinus oleo perunctis, & diutius presse fricatis dari medicamenti denarium

stomachicis
de qualibet causa
de alto lapso

Sideratio
duplex

paralyfim. rasi
ergo dimet
arthritim. et tot
per cr. l. 60
podagra

stomachicis

carcinomata

stomachicis.
inflator per l.
ut media per
z. l. 60
per l. 60

stomachicis